

مستشرقان

محل مطبعه و اداره :

جفال اوغلنده امنيت

صندوقى جوارنده

شكول يقوشنده

۲۲ نومرو

افطار :

مسلکمزہ موافق آثار

جدیدہ مع الممنونیه

قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیات و بهالخاصه احوال و مشورہ اسلامیه و بحث ایدر و هفته ده بر نشر اولنور .

آبونه بدلی

صاحب و مؤسساری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیرسه سنوی

۲۰ غروش فضلہ آلنیر

۱۰ تموز ۳۲۴

سنه لکی	التی آیلدی	غروش	روبله	فرانق
۶۵	۳۵	۳۵	۳۵	۹
۶۵	۳۵	۳۵	۳۵	۹
۱۷	۳۵	۳۵	۳۵	۹

عدد : ۱۳۳

۲۱ ربیع الاول پنجشنبه ۱۰ مارت ۳۲۶

آلتیجی جلد

- ۱ فخری اعضالی .. اعضا اولمیری جمعیتک بادی شرفی اولان مشهور ذوات ایله معتبر فاملیار منسوبینی .
 - ۲ دائمی اعضالی .. یکریمی سنهک اعضالی بادی تسویه ایدنلر .
 - ۳ عادی اعضالی « سنوی بش ین پشیناً ویروب اعضا قید اولنانلر .
 - ۱۲ « « جمعیه ویریلان تقود شایان اعتماد بر بانقهیه وضع ایدیله جک و واردات و مصارف مجموعده یازیله جقدر .
 - ۱۳ « « اعضالی جمعیتک دفتر مخصوصه قید ایدیلور . اعطای اولنان اعضالی بدل مقابله مقبوض ویرلیوب مجموعده اعلانله استفا اولنور .
 - ۱۴ « « جمعیت کندی نشریاتی اون برنجی ماده موجبجه اعضا اولان ذواته توزیع ایدر .
 - ۱۵ « « اعضالی جمعیه عائد حرکاتی نتیجه سنده کوریله جک لزوم اوزرینه مکافات و مجازاتلرینه دائر ایروجه بر نظامنامه تنظیم ایدیله جقدر .
- ژاپونلرک عالم اسلام ایله صبقی وایی مناسبتده بولمق ایسته ملرینی ، چنارده ، برای تحصیل ژاپونیا به کیدن مسلمان طلبه نك کوردیکی حسن قبول پک صریح اراده ایدر . « آسیا - غی - قای » جمعیتک کنج طلبه قارده شلریمزه نه قدر اهمیت ویردیکه ، یاردمه چالیشدیخی ، بالاده کی نظامنامه دن اکلایلیور .
- طلبه قارده شلریمزدن برینک کوندردیکه هونچی شیمبون - [TheHochi Shimbon] غزته سنده ، مومی الیهم ، دائر ایسامورا خاتم طرفدن یازیلمش بر مقاله واردر . طلبه لریمک اوراده کی حیاتی و ژاپونلرله مناسبتلرینی کویستر- دیکی ایچون بومقانک ده بر صورت مترجمه سنک آشاغی به تقانی موافق بولدق :

تورک مسافرلریمک ژاپونیا هیاتی

وژاپونلر حقهنده کی ملاحظه لری

« حسن فهمی ، احمد منیر ابراهیم و محمد توفیق نامنده کنج اوج تورک طلبه سی شهر مزده بولنیورلر . کچن سنه استانبولده ا کمال تحصیل ایله ژاپونیا یی زیارت ایتمک قرار ویرمش لردر . و آسیا غی قای جمعیتی هیئت اداره سی اعضا سندن او حاراجنا بلرینک تحت ولایتنده بولونمقده درلر .

احمد منیر ابراهیم افندی نك پدرلری عبدالرشید ابراهیم جنابلری بوندن مقدم ژاپونیا به سیاحت ایستدکری زمان طانشمش ایدم . بوندن استفاده ایدرک او حاره جنابلرینک آقازاقا قوده هیکاوا ماچی جاده سنده واقع خانه سنه کیده رک تورک مسافرلریمک ژاپونیا حیاتی کورمک اوزره یانلرینه کیتدم . در حال ، کندیلرینک توکیو به موصلت لرندن بری ترجانلقلرینی درعهده ایدن ، نیککی جیرو افندی طرفدن قبول ایدلدم .

مطالعه او طه سنه کیردیکمه ماصه ، سندالیه وهیباچی (یعنی منغال) کتابلر و دیوارده برقاچ البسلر کوزیمه چارپدی و کندیمی عادتا بر ژاپون خانه سنده بولونمش کبی حس ایتمم و باشقه فرق کوره مدم . توفیق افندی سوغاغ ، حقه ش ایدی . (اسلام لریک بایرام کونلری جمعه اولدیغندن بوکون بوافندیلر . هیچ برشیله اشتغال ایتمزلر ایتمش) احمد منیر و فهمی افندیلر مطالعه ایله مشغول بولندقلری ماصه باشندن قالقوب استقبالی ایله دیلر . احمد منیر افندی تبسم ایدرک « پدرمک بیان الحق غزته سنه یازدیغی مقاله لر دن اسمکزی ذهنده محافظه ایتمشدم . شمده ده سزی کرر مکله . شرف اولدم . ، دیدی . نهایت سوزلر بر برینی تقیب ایتمدی . بندن بر چوق سؤاللر صور دقلری کبی بنده کندیلرندن ژاپونیا یی ناصل بولدقلرینی صوردم . جواباً « هنوز ژاپونیا ده پک آز بولوندق ، بوباده قطعی بر سوز سویله مک حقنی قازانه مدق سده ژاپونلرک کندیلرینه لازم هر شیشی کندی مملکت لرنده اعمال ایتمک چالشمه لرینه حیرت ایدرک غیرت لرینی تبریک ایدرز . اقلیمه کلاجه : وطنمز ایله مقایسه ایتمدیکم زده وطنمز ایله بر فرق قی کرره میورایسه کده . ژاپون اولرینک « وغوقه مقاومت ایده جک درجه ده اولدقلرندن صوغوقدن متأثر اولیوروز . شمده آرتق ژاپون یمکری یمکده آیشمه به باشلاق ، خصوصاً قزدیرلش بالخی باشقلرینه مرجیح بولیوروز » دیدیلر .

کندیلرندن اسلامیتده کی تعدد زوجات حقهنده صور دیغمه جواباً فهمی افندی اسلامیتده کی بو قانونک غایت نازک مسئله اولدیغی سویا دکدن سوکره تاریخی و سیاسی اسبابی ایضاح ایله دی .

بوندن سوکره مومی الیهم ، ترکیاده ممنوع اولان شرابک ژاپونیا ده پکده چوق استعمال ایدلر کندیلرینک بحشله کلکری کونلر ده ییل باشنده صوقا قلدده اکثریتله سرخوش کیمسه لره تصادف ایتمکلرندن تأسفله خبر ویروب بونک ترکنه غیرت ار لمانسینک معقولیتدن بحث ایتمدیلر ...

شمده بوتورکلر ردیف ضابطانندن (ایچی قاوا کیوچی) افندی دن ژاپونجه وانکلیرجه او قومقله اشتغال ایدیبلر . ژاپون لسانی کافی درجه ده او کوندکدن سوکره توکیو دارالفنوننه کیرمک آرزو سنده درلر .

بغداد خطی

کچلرده بر مبعوث ، مجلس مبعوثان کرسینسنده ، تیمور یوللرندن بحث ایدرکن ، و یقیوبه رارک تعییرلرینی آلارق بغداد خطنه « طریق سلطنت » دیمشدی . بغداد تیمور یولی ، اسکیدنبری عثمانی پادشاهلرینک بغداد سفر لرنده تعقیب ایستدکری بغداد جاده سنه نسبتله ناصل بر « شهر راه » ایسه ، تاریخاً عالم اسلامک ، اک قوی ، اک واسع ، اک مترقی بر زماننده یا تخت خلافتی والیوم جغرافیا جه او عالمک حقیقی بر مرکزی اولان « بغداد » ی دارالخلافه حاضر به ، پک زیاده یاقینلاشدیروب یوز میلیونه قریب مسلمان یشتان هندک استانبوله بعدیتی درنده اوج اکسیده چکی ایچون هیچ شه سز حجاز خط مبارکی درجه سنده بر طریق خلافتدر .